

ԳԻՏԱԿԱՆ ԼՐԱՏՈՒ

ԳԱ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ԲԱԺԱՆՄՈՒՆՔԻ ԺՈՂՈՎԸ

ԳԱ Հասարակական գիտությունների բաժանմունքի ժողովը բննարկեց ՍՍՌԻ ԳԱ նախագահության Հասարակական գիտությունների սեկցիայի 1964 թ. հունվարի 3—6-ի ընդլայնված նիստում ընդունված բանաձևը (տե՛ս «Տեղեկագիր», № 5): Զեկուցումով հանդես եկավ ԳԱ փիլիսոփայության պաշտոնակատար, ակադեմիկոս Արտ. Կարինյանը:

— Ինչպես հայտնի է, — ասաց զեկուցողը, — ՍՍՌԻ ԳԱ գիտությունների ակադեմիայի նախագահության Հասարակական գիտությունների սեկցիայի ընդլայնված նիստում բննարկվել է ՍՍՌԻ ԳԱ ակադեմիկոս Պ. Ն. Ֆեդոսևի և թղթակից-անդամ Յու. Պ. Ֆրանցևի «Պատմության մեթոդոլոգիական հարցերի մասին» զեկուցումը, որտեղ նշված է, որ պատմության զարգացմանը նոր թափ հաղորդելու համար անհրաժեշտ է վերջնականապես լիկվիդացնել Ստալինի անձի պաշտամունքի հետևանքները Հասարակական գիտությունների բնագավառում: Վերջին տասը տարում մեծ աշխատանք է կատարվել պատմագիտության բնագավառում լենինյան սկզբունքների վերականգնման ուղղությամբ:

Այնուհետև ակադեմիկոս Արտ. Կարինյանը իր զեկուցման մեջ կանգ է առնում այն խնդիրների վրա, որոնք զբաղված են Հասարակական գիտությունների բաժանմունքի գիտնականների առջև: Մեթոդոլոգիական-տեսական հարցերի պարզաբանմանը նպաստելու համար նա առաջարկում է հրավիրել տեսական ժողովներ նվիրված համաշխարհային պատմության, համաշխարհային արվեստի, ռուսական արվեստի, ՍՄԿՊ, Հայրենական մեծ պատերազմի պատմության վերաբերյալ և ռուսերեն լեզվով տպագրված այլ գիտական մոնումենտալ աշխատությունների բննարկմանը: Բացի դրանից այդ նույն ձևով կարելի է բննարկել նաև սովետահայ գիտնականների ջանքերով պատրաստված և տպագրված ուսումնասիրությունները: Նման տեսական ժողովները հնարավորություն կտան բարձրացնել Հասարակական գիտությունների հեղինակությունը, ստեղծել առողջ մթնոլորտ գիտական հիմնարկների կոլեկտիվներում, ստեղծագործական ուղղություն հաղորդել անգամ սուր բախումներ ունեցող գիտկուսի՞ն հավաքույթներին:

Զեկուցումից հետո ելույթներ ունեցան ԳԱ փիլիսոփայության և իրավունքի սեկտորի վալիլ, գիտության վաստակավոր գործիչ Հ. Ասլանյանը, պատմության ինստիտուտի ղեկավարի տեղակալ Գ. Սարգսյանը, պատմական գիտությունների գոկտոր Սարգիստվը, պատմության ինստիտուտի ղեկավար, պատմական գիտությունների գոկտոր Գ. Գալոյանը:

— Գիտության մեթոդոլոգիական հարցերի մշակումը, — իր ելույթում ասաց Հ. Ասլանյանը, — մեր տեսական, գաղափարական բնագավառի հրատապ խնդիրներից է: Բուրժուական մեթոդոլոգիայի քննադատության, բնագիտության և Հասարակագիտության նկատմամբ մարքսիստական մեթոդոլոգիան կիրառելու սկզբունքները ձևակերպված են մարքսիզմ-լենինիզմի կլասիկների աշխատություններում: Մեթոդոլոգիայի մշակումը անխզելիորեն կապված է կոնկրետ գիտությունների զարգացման տարրեր կտապների հետ: XX դարը գիտության աննախընթաց վերելքի դարաշրջան է, որը պահանջում է միակ գիտական մեթոդոլոգիայի՝ մարքսիստական դիալեկտիկայի որոշ հարցերի բազմակողմանի վերհանում:

Այդ առումով, — նշեց Հ. Ասլանյանը, — փիլիսոփայության և իրավունքի սեկտորի խնդիրն է՝ ա) ԳԱ բնագիտական հիմնարկների գիտխորհուրդների հետ կազմակերպել համատեղ գիտական նիստ՝ նվիրված բնական գիտությունների մեթոդոլոգիական հարցերին, բ) Հասարակական գիտության մեթոդոլոգիայի հարցերը բննարկելու համար հրավիրել սեկտորի գիտխորհրդի հատուկ նիստ, գ) Պատմության մեթոդոլոգիայի պրոբլեմները բննարկելու նպատակով պատմության ինստիտուտի գիտխորհրդի հետ միասին հրավիրել համատեղ գիտական նիստ:

Պատմության ինստիտուտի ղեկավարի տեղակալ Գ. Սարգսյանը իր ելույթում նշեց, որ «Вопросы истории» ամսագրում հրատարակված զեկուցման մեջ բազմաթիվ կարևորագույն

հարցեր են հարուցված, որոնք գրեթե բոլորն էլ կապված են սովետական պատմագրության մեջ լենինյան նորմերի վերականգնման, պատմաբանների կոչումը իր բարձրության վրա դնելու հետ:

— Մարքսիստ պատմաբաններից պահանջվում է, —ասաց Գ. Սարգսյանը, — ոչ միայն ամենայն ճշգրտությամբ շարադրել ու ներկայացնել հավարած փաստերը, այլև իմաստավորել դրանք, գնահատական տալ պատմական դեպքերին ու երևույթներին, ցույց տալ նրանց դերը, հետևանքները, վեր հանել պատմական որինաշարժությունները և տվյալ ժամանակին հատուկ նրանց դրսևորումները: Մեզ համար գործնական նշանակություն ունեն այս տեսական հարցերը, որոնք անհրաժեշտ են հաշվի առնել գիտական աշխատանքը պլանավորելիս: Պետք է պլանավորել խոշոր, ակտուալ պրոբլեմային թեմաների մշակում և ապա դրանց համապատասխան ստորագասել գիտական աշխատակիցներին և ոչ թե ընդհակառակը, ինչպես հաճախ է կատարվում:

Այնուհետև ընկ. Սարգսյանը նշում է, որ տեսական խնդիրներ լուծելու համար հսկայական նյութ է տալիս հայ ժողովրդի երևբհազարամյա պատմությունը: Այս տեսակետից ուրախալի է, որ մեթոդոլոգիական հարցերի մի մասը մեր պատմության ինստիտուտում հարուցվել է «Вопросы истории»-ում հրատարակված զեկուցումից առաջ և նրանից անկախ «Հայ ժողովրդի պատմության» բազմահատորյակի շարադրման կապակցությամբ:

Ժողովում ինչպես զեկուցողը, ելույթ ունեցողները, այնպես էլ բոլոր մասնակիցները հավանություն տալով ՍՍՌԿ ԳԱ նախագահության հասարակական գիտությունների սեկցիայի 1964 թ. հունվարի 3—6-ի ընդլայնված նիստի բանաձևին, կոնկրետ առաջարկություններ արեցին պատմության մեթոդոլոգիական հարցերը իր պատշաճ բարձրության վրա դնելու համար: